

*E. Buenaventurae* Lehm. et Krzl. (*Eu epidendrum*, *Planifolia umbellata*); sympodiis parvis, caulibus tenuibus 25—40 cm altis, foliis 2—4 basi complicatis late linearibus ad 15 cm longis 1 cm latis apice obtusis, floribus fasciculatis heterochronicis singulo semper evoluto, bracteis late ovatis acutis apiculatisve, ovario satis longe pedicellato tenui c. pedicello 5—6 cm longo. Sepalis e basi paulo latiore lanceolata attenuatis linearibus acuminatis, petalis angustioribus ceterum aequalibus, labelli lobis lateralibus late linearibus antice liberis rotundatis, intermedio bis v. ter longiore angustissime triangulo, omnes partes 3—4 cm longae, sepala extus brunnea, intus lutea purpurei-suffusa, petala intense lutea, labelli lobi laterales albi, intermedius luteo-albus. — Maio et Junio.

Columbia: In silvis densis ad fluvium Rio Dagua, in ditione silvarum oppidi Buenaventura, 0—500 m (n. 8343!).

Planta specimini manco *E. nocturni* quam maxime similis differt primo visu caule superne crassiore, floribusque ibi glomeratis diu succedaneis. Flores illis Epid. nocturni ad dimidium reducti persimiles et dum unus tantum floret alabastra florum sequentium sub anthesi illius flores vix evoluta.